

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Breviarium hominis christiani - Cod. Ettenheim-Münster 79**

**[S.l.], [18. Jahrh.]**

Caput III.

[urn:nbn:de:bsz:31-108661](https://nbn-resolving.org/urn:nbn:de:bsz:31-108661)



O dulcissime Domine Deus meus: memor-  
 esto, quæso: me tuam pauperem creaturam, te  
 verò meum creatorem et Dominum meum esse:  
 Ecce igitur me in æquissimum iudicium tuum  
 proiicio, et sanctissimæ voluntati tuæ integrè resig-  
 no; quidquid tu, Pater meus celestis in me et de  
 me facere volueris, facito. In manibus tuis  
 sunt sortes meæ, tu percutis, et sanas, mortificas  
 et vivificas, occidis et vivere facis, deducis ad inferos  
 et reducis. fiat in omnibus voluntas tua. Tantū  
 miserere mei, et ne proicias me à facie tua.

Caput III.

Excitationes ad dolores morbi  
 lato animo sufferendos.

Considera 1. quòd non sint condignæ passiones ad  
 futuram gloriam, quæ revelabitur in nobis; neque  
 enim oculus vidit, nec auris audivit, nec in cor-  
 hominis ascendit, quæ preparavit tuis, qui dili- & Deus  
 gunt illum, ait apostolus. 1. cor. 2. Sustine igitur  
 patienter, quia quò maiores erunt hic dolores,  
 eò ampliores illic erunt consolationes.

Considera 2. quòd nihil coinquinatum intret in  
 regnum celorum, hic igitur vel per <sup>varias</sup> ~~multiplices~~  
 dolores, vel illuc per ignem, aliosq; horrendos cruci-  
 atus purgatorium pati debemus; at satius est in  
 hac vita purgari, quam in altera; illic enim erit  
una hora gravior in pena quam hic centum anni  
in gravissima penitentia; clama proinde cum s.  
 Augustino: Domine hic ure, hic seca, modo in  
 æternum parceas.

Considera 3. quòd in hoc mundo nihil nobis sit fructuo-  
 sius et salubrius, quam multa pati. Id Christus



— nos suo exemplo <sup>abunde</sup> ~~facit~~ docuit, qui  
 tot supplicia cum gaudiis sustinere voluit,  
 unde si sapias, nihil aliud à Deo desidera-  
 bis, quam amore ipsius maiores tolerare  
 cruciatibus, dicendo cum S. Theresia: aut  
pati, aut mori.

Considera 4. Quam sit omnino necessarium  
 omni Christiano, ut per passiones assimi-  
 letur Christo, quem oportuit pati, et ita  
 intrare in gloriam suam; ipse quippe  
 Christus Dominus ait, qui vult venire post  
 me, abneget se met ipsum, et tollat crucem  
 suam. Ecce crux tua morbus est, et quid-  
 quid te affligit, si ergo vis venire post  
 Christum, et cum eo intrare in regnum  
 eius, abnega te met ipsum, et ambabis  
 ulnis amplectere crucem seu dolores, qui  
 te cruciant; si enim compatimur, et con-  
glorificabimur.

Considera 5. quod momentaneum et leve  
tribulationis nostrae aeternam gloriae pondus  
operetur in nobis. Pro momentaneo itaque  
 dolore, cum omnis vita praesens respectu  
 futurae non sit nisi momentum, nobis  
 tribuetur aeterna, eaque omnino ineffabilis  
 ac immensa felicitas. At si sustineas tantum  
 medicum, et habebis summum, et aeternum  
 bonum.

Considera 6. quod sancti, quo Deo acceptiores  
~~fuere~~, eo maiores afflictiones, cruciatibus  
 ac dolores perpepsi sunt, quo Deo acceptiores erant,



~~Dolores tolerare~~; testes nobis sunt Beati Apostoli,  
 ac Martyres, alijsq; Sancti quàm plurimi, qui transierunt  
 per ignem et aquam, et immania in suis corporibus  
 pertulerunt tormenta, erant illi magni amici Dei,  
 talis et fueris, si misericors Dominus dolorum, et  
 penarum ipsorum socium se effecerit. Beatus igitur,  
 qui suffert dolorem et amaritudinem, quoniã  
 cum probatus fuerit, accipiet coronam vitæ, quã  
 repromisit Deus diligentibus se.

Considera 7. Nullum certius ac evidentius signum  
 electionis divinæ esse, quàm dolores ac infirmi-  
 tates humiliter patienterq; propter Dei amorẽ  
 perferre; est enim infirmitas corporis a quò animò  
 tolerata pretiosus, ac præclarus amulus, quò Deus  
 animam sibi desponsat.

Considera 8. Pati pro Deo languores et dolores,  
 tantæ dignitatis esse, ut homo iure merito se repu-  
 tare debeat indignum eò honore; quid enim magis  
 honorificum, quàm Christo, s. Matri eius, beatis  
 Apostolis, alijsq; Sanctis ferre innumeris simi-  
 lem effici; Unde cælites in cælo, si quò affici possent  
 dolore, præfecto alius non foret, <sup>quàm</sup> quò pro Christo amplius  
 pati non valeant. Felix igitur ille est, qui  
 angustis et penis, doloribus, et cruciatibus afflic-  
 tus non aliquid inquit, quò ea mala evadat, sed ad  
 finem et ultimum usq; punctum illa fortiter sus-  
 tinet, nolens de cruce descendere, nisi Deus illum  
 solvat, ac deponat; felix planè, qui divina volunt-  
 dati se ita committit, ut amore Dei etiam inferni



tormenta: si Deus ita velle: subire paratus sit.  
 Haec enim heroica animi resolutio procul dubio omnem  
 culpam delet et poenam: qui enim ex pura Dei  
 dilectione ad omnem poenam pro honore divinae  
 iustitiae tolerandam animo spontaneo se obtulerit,  
 is, inquit Taulerus, neque infernum, nec purgatorium  
 subibit, etsi omnia totius mundi peccata commiserit.

### Caput IV.

De morte non nimium metuenda

Ex D. Henrico Susone

Si visum est Deo, ut moriaris, firmiter retine ca-  
 40 *7 fidem* tholicam et letus moriaris. Gaude pulcherrimam  
 animam tuam: quae est purus, rationalis, ac  
 Deiformis spiritus: ab hoc angusto, misero, et  
 gravi carcere absolvendam ac <sup>deinceps</sup> ~~deinceps~~ sine  
 ullo impedimento sua beatitudine felicissime frui-  
 turam. Unum est, quod multos inexpertos in morte  
 perterrere solet, eisque mortem adfert acerbam, et  
 anxiam: id videlicet, quod dum praeteritos annos  
 dissolutamque et male transactam vitam reducunt  
 ob oculos, grandi se debito obligatos Deo sentiant,  
 neque ~~et~~ ~~illam~~ ~~horam~~ ~~satis~~ ~~perspiciant~~, ~~quid~~ ~~ad~~ ~~id~~ ~~fa-~~  
~~ctum~~ ~~debeat~~. Sed haec in parte certum tibi praestabo  
 consilium ex divinis literis et ipsa veritate petitum:  
 si tu quidem in diebus tuis perperam te vixisse nosti,  
 sicut pauci a vitis immunes vivunt, inde non nimium